


寧都縣志

250.171
34



寧都縣志



舊志前序

知贛州府事晉溪黃



贛東之邑寧為大幅員之廣財賦之繁衣冠文物之盛甲于諸邑志久不續將有遺缺之患先是邑令趙君謀所呂續之然私而不公君子曰誣會邑攝紳先生給事盧君中執法吳君俱暫輟承明之直歸於枌榆二君一時稱為博物君子者也乃取前志與博士弟子員共增損之沿革稽於往牒取去付之公評芟其誣妄補其缺畧志是以完二君屬余為序余惟志者以志政也邑有得失郡亦與焉政之替也余無所逃譏其或反是以自旌也若之何序之三

寧都縣志

舊序

辭使者而請益力乃漫為之序曰余讀寧志蓋深有感於風會之流而自愧云昔季札使魯歷觀上國之風其勤而不怨者憂而不困者樂而不淫者儉而易行者其細已甚者國無主者類能辨之蓋盛德之遺衰世之風近邈於數十年之前遠料於數十世之後存亡之變無不逆覩聞其詩猶知其世若此况覽其志乎以今寧志考之山則金精玉屏水則東江西江賦稅則南餉留都北輸大司農其人則司空御史大夫以下可悉數也至于忠孝節義高士逸民代不絕書藉令延陵季子觀之當必咨嗟嘆美以為大

國之風無疑也惟是邇年以來教化不行而俗不長厚往往好勝樂聞競毛羽而趨刀錐驚上以為高操吏以為能賦稅日逋居積日微與舊志所稱民善治生有勤儉風士知務學不習浮靡者稍異將樂土之民好淫其漸靡使然耶抑上之人所以化誨感諷之者非其道耶夫上德惟風民應如響余之不德民無則焉若爾鄉之先民及今賢士大夫皆爾士民之師也去雕為樸是惟今日毋令後之觀者其細已甚則善矣於詩有之鼠牙雀角刺訟也蟋蟀在堂訓勤也蜉蝣之羽譏玩細娛也余不佞請以是書于首

寧都縣志

舊序

二

簡

舊志後序

知寧都縣事永嘉王光藻

嘗覽諸郡縣志崔學士子鍾志彰德康太史德涵志武功黃宮詹才伯志廣州吳儀部純叔志吳咸斌斌成一家言為作志者前茅頃歲壬辰不佞受寧都令初至問俗徵獻會鄉臺諫體恒吳先生秉漸廬先生輯其縣志成而以序見屬不佞不嫻於文辭授簡既而兩先生示以八志首地輿次建設田賦系之秩官選舉藝文而終志體裁則捐益彰德諸家而取衷焉質有其文不佞手而讀作而序曰古

列國皆有史今郡縣為志即史之遺也是豈徒博見聞後
論議彰往察來已哉考興革而地利可時計盈縮而經費
可悉別賢忒而官守可飭採質文而物軌可彰其裨益者
非小也寧都隸贛郡阻山帶溪閭閻萬井自昔稱名區比
徵科雜需倍蓰逋積京運淮兌疲于歲輸鼠牙盈庭攘竊
日發岍獄犄角之習且漸靡而未消遂以難治聞矣卜式
之論牧羊也曰以時起居而謹察其敗群百里奚不以秦
祿入其心牛廼肥息夫受牛羊而牧之其用心猶專且勤
若此而况牧人之政乎哉寧之俗雖日弊然縉紳重名節

士務學而民勤殖猶不詭於先程獄訟雖滋邇不佞喻以
倫義聽者率俛服釋去盖美鈛笳之智斯鮮朴茂之風尚
鍛鍊之嚴斯眇寧一之化木戛而聲應表端而景隨豈皆
民之過哉此其諸志所論述類已著之名言而暢於世法
要以省括而絜情博綜而達變總之畝志列之四十八目
則莫非不佞事也故民俗未輯將愧地輿廢墜未舉將愧
建設徵輸未集將愧田賦職守未效將愧秩官若夫英賢
之彙征人文之表著聲蹟之播譚則先哲之忠孝節義章
而傳者為之不佞且將駸駸覩其盛也敬以書于簡末

寧都縣志

知寧都縣事加二級鄭昌齡主修

寧都縣儒學教諭梅廷訓纂修

寧都縣儒學訓導蔡錦協修

合邑紳士叅校

凡例

一寧志修于明萬歷壬辰經吳中臺天德盧太常達訂定迄今百五十年舊板朽殘康熙二十年邑侯丁公聘請明經蘇恒雋楊龍泉纂有志草因格于異議遂

寧都縣志

凡例

一

爾中輟今亟續之以成全志

一遵

憲諭不敢妄加增刪

邑侯鄭公頒示條例恪遵規則但

制度沿革今昔互異有不得不增刪者亦刪處少而增處多緣曠缺之久事類繁積故也

一舊志多訛缺攷自明洪熙二百年志缺未修萬歷壬辰奉文修志儒學胡袁二公覓得隆萬年間二草志叅府志編緝是以採訪未備太府黃公檄縣敦請邑紳吳盧二公特加刪潤雖義例精嚴事蹟或未詳核

故訛缺仍舊如山川梅嶺一也分載兩處職官廖崇德唐令也編入元朝元之職官與宋季訖元之選舉錯混遺失不一其人今考省府志叅各姓譜牒稍加增訂從衆論也

一紀載期于傳信非以逞才炫博譔成一家之言昔人云毋文文弗省也毋多多弗竟也惟據實直書適如其人與事而止間有蕪雜稍加點潤要歸雅潔

一善善長而惡惡短名宦鄉賢載在祀典者應無異議其他人物傳中顯晦殊途不以華貴而多溢美不以

寧都縣志

凡例

二

隱約而埋幽光亦不以傳詞詳畧而分差等惟雜記數條有關於地方者舉戒將來悉憑輿論亦公道之在人心云爾

一凡亭臺枋表及名賢遺蹟皆古人精意所存雖廢必書夫甘棠之懋尚戒勿剪襄陽之碑過而墮淚庶幾愛禮存羊不忘先民之意與

一施濟所以廣

皇

仁徵善俗也寧雖凋敝樂敦恤捐賑出粟至千石急公尚義至千金者班班可考諸如義園必書橋渡必書

茶亭必書漏澤普濟必書亟為表揚以鼓後之好義者

一文章詩賦邦之華藻寧邑夙稱詩國自廖氏家藏至宋冰厓明圭峰國朝易堂諸子文集傳播海內美不勝收惟擇其關切地方民生者登之其餘佳篇概不具載

一各條論述出自舊志者則書吳某盧某出自草志者則書蘇某楊某間有附述附論者酌量時事利弊得失以補之焉可掠美用質鄙衷

寧都縣志

凡例

三

一舊志字句訛舛處叅省府志校訂改正其人物事蹟朝代官爵猶有失實未安者經前人手定未敢妄更推此以觀新增事迹豈盡允協後之視今猶今之視昔所望卓識鉅公明鑑在懸備錄之以俟論定焉

寧都縣志跋

寧都名邑也人文甲科冠一郡余以謫
劣司鐸是邦莅任初晤邑侯鄭公語
學校諸務甚悉輒旁及於邑中風土習
尚慨然有續脩邑志意謂舊志歲久漫
漶間有訛舛而自明神宗壬辰迄今百

五十年紀載全缺不續脩恐久而遂湮
歎引余為同心余莫之敢任而邑侯
意益堅歲辛酉詳明各
上憲禮延邑紳士相與叅校諸先生欣
然樂從既郵書都門商之李太史渭
英老先生又謬推余為纂脩而同寅蔡

君尚綱先生協脩焉余實愧且懼古人
論作史有三長曰才曰識曰學邑志即
一邑之史也余一無所長浪膺重任其
何以勉副 邑侯意李太史扎復諸先
生云志事重大更歷兩朝文獻難徵當
廣咨博詢至公無私等語旨哉言乎李

老先生以鴻儒

簡史館本作史之意以論脩志宜其簡
而括精而審也先是邑明經蘓君平叔
楊君御李尚先生於康熙廿二年間有
續脩邑志稿今遵照先後舊稿參省府
志及各姓譜牒改正訛舛更博採見聞

增補百五十年事蹟人物以續舊志所未載既詳且核亦謹而嚴以不謬於李太史札諭者皆諸縉紳先生之功余惟漫從諸先生後稍佐編輯以仰體邑侯意若其主持風會闡揚幽隱垂典型以昭來茲邑侯志也邑侯事也余何

有焉謹於其梓既成而書之以跋
寧都縣儒學教諭盱江梅廷訓謹題



續脩寧都縣志後序

邑志之作所以載一邑之事匪徒
備稽考亦以昭懲勸也寧志一書
其前不可稽矣明萬曆間前令莫
公與司鐸胡表二公敦請鄉先達
吳盧二先生參閱舊志博採遺事

寧都縣志

序

纂輯成編分為八卷歷今百五十
年矣康熙二十二年丁公涖寧聘
請邑人明經蘇恒雋楊龍泉二君
各採訪見聞編有志稿旋以故中
止未付厥梓屆今又五十餘年矣
余惟志書所載嘉言懿行可師薄

俗惡習可戒亦政事大要也胡可
不脩因與學博梅斐齋蔡上綱二
先生暨盧邑紳士商所以續百五
十年未載之事而詳明

當事各憲延請紳士等設局倫堂
遵照先後舊稿更復旁搜博訪參

核校訂不遺餘力以續前志所未
載自辛酉正月始事抵十二月而
告成至於記載去取則錄呈全稿
質之

郡憲而後定編輯務協於體詳畧
必酌其宜可以備稽考者在是矣

抑余之所以急欲續備者其自有
在蓋前事者後事之法則昔賢者
今人之模範而風俗之淳漓更足
覘政事之得失余讀前志虞先生
之論風俗也先後懸殊不勝感慨
太息伊誰之咎歟今即其詞而玩

其意則懲戒之志殷勸誨之念切
而思所以維持之法先則望諸御
治之人冀其挽人心變頽風於以
卸浮而歸質繼則以標表之任責
諸吾黨而謂士人舉動不可滋闕
闕之口何其言之切直而至當耶

愧余涼德所云倡之示之，法不
敢仰跡林王二公之芳規，然戒諭
痛創以維風易俗，邑令之事也。願
與諸紳士各任其責而不忘盧公
之訓，以追先朝習尚之近古，則是
志之脩脩稽考而昭懲勸其為功。

寧都縣志

序

四

於吾寧之風俗者，夫豈小補乎哉！
此余續脩之意也。爰識之以附諸
簡末。

乾隆六年辛酉季冬月，知寧都縣
事蘭谿鄭昌齡書於行健堂。



寧都縣新修志序

志之作也尚矣九州之志謂之
九邱孔氏安國曰邱聚也言九
州所有土地所生風氣所宜皆
聚此書也周禮小史掌邦國之

寧都縣志

序

志外史掌四方之志國之禮法
典籍隸焉蓋古者載筆紀事各
有職司後乃合而成史錯綜參
伍因義立名自漢書祖史遷分
律書禮樂刑法食貨郊祀天文

五行地理溝洫藝文為十志義
例遂繁今之省郡縣志所由倣
也贛屬之寧都舊志歲久殘缺
縣令鄭君禮諸紳士修之比其
成也相率以序來請予維

國家

列聖相承登三咸五寄象鞮譯之
使達於四裔乃者

欽慕一統志成凡九州所有土地
所生風氣所宜載在

天府詳且備焉而四方之志所以
為因革損益揅弊補偏資守土
吏隨時考鏡者寧弗當加意釐
訂昭示來茲且夫寧之為邑隸
贛上游介於閩粵之間其民雜

其倍囂向稱難治矣乃考之於
志則土沃風醕力勤奉上其間
蘄狀以德行節義文章著者代
不乏人何聞見之殊也豈難易
有時氣運固狀歟抑繭絲保障

治以人殊或有尸厥咎者歟
聖天子德教遠敷寧之士蒸乚向
化前後通籍而仕者文章經濟
皆將卓然有以表見於時向之
所志於今觀之又何如也夫幸

際道一風同之世當治具畢張
之時考鏡其境內宜因革損益
後先緩急之序於以補偏救弊
杜漸防微導揚

朝廷之德意與吾民生養而休息

為者太守與縣令事也故於其
末請既推本志之所由作且願
與鄭君交勉之是為序

乾隆陸年歲次辛酉仲冬穀旦
賜進士出身知江西贛州府事

新安朱陵撰



寧都縣志目錄

卷一 輿地

沿革

分野

氣候

疆域

鄉界

關隘

鄉社

山川

形勝

風俗

卷二 建置

城郭

縣署

學宮

營鎮

祠廟

學校

坊

卷

井

市墟

關隘

橋

渡

亭

古蹟

塔

寺觀

瀉

名墓

觀閣

卷三 田賦

卷三 田賦

丁口

糧漕

鹽課

雜稅

公田

倉穀

物產

卷四 秩官

縣令

縣丞

主簿

典史

巡檢

教諭

訓導

名宦附

副將

參將

守備

千總

把總

卷五 選舉

進士

特舉名

舉人

武進士

武舉

副貢

拔貢

恩貢

歲貢

例貢

薦辟

應例

武職

封贈

蔭叙

胥史

卷六人物

賢達

忠節

孝友

文儒

武畧

隱逸

類傳

善行

方伎

寓賢

僊釋

列女

大年附

卷七記事

祥異

兵寇

雜說

寧都縣志

目錄

二

卷八藝文

記

序

奏摺

書

論

雜著

賦

詩

詩餘


寧都縣志

輿地全圖

繪圖

繪

圖




汛官員兵三千名

寧都城至此七十里石城至此分界


此石城河自龍下渡寧都界由固

瑞全界縣治至此十里



寧都縣志

繪圖




寧都縣志

縣治圖

繪圖


三



寧都縣志

繪圖

四



寧都縣志卷一

輿地

沿革 分野 氣候 疆域 鄉界

關圖 鄉都 山川 形勝 風俗

舊志吳天德曰夫地域廣輪之數則司空掌之微獨同
貫利將觀民設教也寧為贛大邑沿革可窮星氣可驗
疆域可守山澤可紀形勝可觀此皆宏覽者所必采而
風俗所關尤重班史曰剛柔繫水土之風氣曰風好惡
從君上之情欲曰俗然則轉移之機其君子之德乎救

寧都縣志

卷一

輿地目

弊於頽靡起教於微眇易澆漓而醇之則大庇寧矣

沿革

五帝顓頊建九州東曰揚州寧地為揚州域

唐因

虞肇十有二州其一揚州寧地亦為揚州域

夏商因

周職方隸揚州武王克商封仲雍之孫勾章於吳地屬吳

元王三年越王勾踐滅吳地屬越

顯王三十六年楚威王熊尚滅越地屬楚

秦始皇二十五年滅楚明年分揚州置三郡江以西為九

寧都縣志

卷一

沿革

二

江郡地屬九江

西漢高帝五年改九江郡為淮南國六年分淮南置豫章

郡始置雩都縣寧地隸雩都

東漢初平二年析豫章地置廬陵郡雩都隸之寧亦為雩

都地

三國吳嘉禾五年析雩都東北地曰陂陽鄉白鹿營置陽

都縣隸廬陵郡

寶鼎三年改陽都曰新都

西晉太康元年徙縣治太平鄉陽田營改新都曰揭陽

太康三年分廬陵為南康郡揭陽隸之

東晉因

宋永初元年改南康國揭陽隸之

大明五年析揭陽之虔化屯別置虔化縣

昇明元年徙縣治太平鄉太平里徐觀改揭陽為寧都

縣名始此虔化併入焉

齊永明初復南康郡寧都隸之

梁陳因

隋開皇九年改南康郡為虔州寧都隸之

寧都縣志

卷一沿革

三

十八年徙縣治雪竹坪即今址改寧都曰虔化

大業元年復為南康郡虔化隸之

唐武德五年復為虔州改置洪州總管府統虔州虔化隸

如故

貞觀元年分天下為十道虔州隸江南道虔化隸虔州

開元二十一年分江南為東西道虔州屬西道虔化仍

隸虔州

元和六年第虔州為上州虔化為上縣

後梁貞明四年偽吳楊隆演遣劉信攻奪虔州地入偽吳

南唐昇元初李昇取吳地置昭信軍地入南唐

保大十一年析虔化石城場置石城縣

宋開寶八年曹彬下江南十九郡改昭信軍為軍州領縣如故

大觀四年升虔州為望州虔化為望縣

紹興二十三年校書郎董德元言虎頭州非佳名改虔州曰贛州虔化始復名寧都

元至元十三年置江西行中書省贛州隸江西道寧都隸贛州

寧都縣志

卷一 沿革

四

元貞二年改贛州為路陞寧都為州領石城縣

大德三年以龍南安遠二縣隸寧都州

明洪武二年改贛州路為府寧都州復為縣隸贛州府

國朝縣隸府制如故

按寧都縣名凡五易初名陽都改新都改揭陽改寧都改虔化至宋紹興始復名寧都縣治凡四遷初在白鹿營遷陽田營遷徐觀至隋開皇始遷今治自隋開皇十八年距今乾隆六年計一千一百四十四年

附論曰寧邑在省郡最上游西北界七縣通三府東南

界四縣通閩汀四隣接境良莠錯居上鄉清泰太平多
土著巨族客戶一二習而安之懷德暨下鄉安福雖有
客居而猶鮮携貳惟仁義平陽兩鄉閩廣寄寓居其半
久隸寧籍者無論矣有視為浮家來去無定或一姓占
兩籍或他宗冒同祖甚至易姓附宗混稱一家者揆厥
所由欲以強族爭勝而不知宵小多伏其間借端生事
貽害地方此近數十年寧都之隱患也寧邑土田下鄉
極沃率多闢廣賃耕業主有更佃戶無改既獲厚利復
作非為從前聚眾不法屢經

寧都縣志

卷一

沿革附論

又四

題達成案可稽詳後記事今仍煽餘氛積習難變幸邑侯
鄭公諄切勸誘稍知斂跡而強悍如故我

皇上明聰四達洞悉寧都毗連閩汀薰染刁風

特諭

督撫時刻留心化導整頓遐陬下邑上塵

聖衷寄茲土者可不滌慮洗心共臻一道同風之盛與尤望
後之良牧繼 鄭侯撫柔之德益加整齊清其戶籍戢
其梗頑隣境且賴以安堵獨寧民也哉

分野

吳地斗分野西漢地理志

屬北斗權星史記天官書

豫章入斗

十度晉天文志

南斗十度至須女七度為星紀于辰在丑吳

越之分晉志

麗南斗第四星曰天相星晉書屬上台司命

下星宋史

占候主熒惑星按星經熒惑主霍山楊荆文又曰主楚吳越

越之地凡有災祥當于熒惑之所經行占焉參吉安福志

邑人邱維屏論曰舊志有之曰寧都距贛不遠郡志贛

屬豫章為斗十度其纏次似與郡同然予聞縣河東野

人曰吾遊山西見滎河趙生書分野各有縣度寧都在

斗八度殆亦在豫章曰南次東北達會稽丹陽廣陵臨

寧都縣志

卷之八

五

淮而言耳然分野之說自上世有之而其後惟僧一行

之說最辨要以天漢分南北其于燕吳魯衛漢尾交錯

無明徵也夫河漢起坤維降而退及于艮維此天象然

也然地之應天天以奇而從地以偶而衡惟此土為然

是故玄枵正于北而一氣正于南而周西大梁正

于西而趙北大火正于東而宋南鶉火而西其鶉首則

西之西北大火而南其尾則南之西南秦挈晉而鄭

隨楚闕陝鄭襄其強隕而不變者乎衛也並秦而魯也

隣趙故戌亥之變易近吳越隔于宋而燕反隔于齊故

丑寅之寢易益遠而反矣此艮一終而一始林鍾之
 衝正而旁至者也夫天道其體陽不變而陰寢其用陰
 不變而陽寢震東南之卦而乾南卦也震東卦而乾西
 北之卦亦此故而巳矣故戌亥者少極而之老丑寅者
 長上極而之少魯衛燕吳其貞淫文武南北中外之寢
 之要歸之域乎吾縣野人言如是要與一行之說遞創
 而起者因附著之云


分野圖附 邱維屏著

寧都縣志

卷一 輿地分野

六

一行天圖從



今圖地橫



氣候

寧都隸贛上游疊嶂重峰蘊積淖動氣候畧與中土不同
每歲正月雨水後晴霽少而陰霾多入夏天氣鬱蒸暴雨
時作溪流泛漲間傷及田廬雷震電閃隔二三里陰晴輒
異炎歊酷暑至秋彌烈迨白露霜降之交風氣漸肅深冬
陰雨連綿雪霰間作凝寒亦少大都地近炎荒寒暑稍偏
云

疆域

縣在府治東北距府三百六十里地方廣一百一十五里
寧都縣志

卷一

氣候 疆域

七

袤三百一十里

東界石城浮嶺六十里又四十里抵石城縣治通福建汀

州寧化縣

南界瑞金焦嶺一百三十里又一百里抵瑞金縣治

西界雩都黃干嶺四十里又一百二十里通興國縣

北界撫州宜黃東陂隘一百八十里又一百里抵宜黃縣

治

東南界瑞金太栢地村口八十里又九十里抵瑞金縣治

西南界雩都排雲舖三十里又一百七十里抵雩都縣治

東北界建昌廣昌秀嶺六十里又六十里抵廣昌縣治

東北界建昌南豐查嶺石亭一百五十里又八十里抵南

豐縣治

東北界撫州樂安大樹嶺一百六十里又一百二十里抵

樂安縣治

西北界吉安永豐竹篙嶺一百五十里又一百五十里抵

永豐縣治

陸路自縣治至府三百六十里至省城一千五百六十里

至京師六千零三十里

寧都縣志

卷一 疆域

水路縣治南五十里至白鹿江由白鹿江沂流一百八十

里至龍下為石城界由白鹿江順流一十里至白頭翁

為瑞金界此下則總漕寧都會昌信豐興國諸水達于

贛州抵省 縣北沂流六十里至太平鄉各江口三十

五里至清泰鄉水口又十里至羊灌渡船通止此

水陸別路一自縣北一百四十里至蕭田歷宜黃撫州至

省約六百八十里一自縣東北一百二十里至廣昌寫

船順流南豐建昌撫州抵省水平無灘二處俱更便捷

六鄉界至

一清泰鄉週圍九十里東南七星嶂界廣昌正東鷹峰山
界南豐東北橫石隘界宜黃正北大龍山界崇仁西北
大墅嶺界樂安正西寒婆嶂界永豐西南上下潮與小
佈南雲交界正南燕子巖及姜坊交界自東鷹峰山至
西寒婆嶂九十里自北橫石隘至南姜坊村九十里
一太平鄉週圍五十里東與廣昌秀嶺分界西與懷德鄉
釣峯交界南與安福鄉花橋亭交界北與清泰鄉洛口
交界自東秀嶺隘至西釣峰五十里自北洛口至南花
橋亭五十里又東藍田村至西小源村五十里

寧都縣志

卷一 鄉界

九

一懷德鄉週圍八十里東與太平鄉小源村交界西與永
豐縣竹篙嶺爭嶺分界又與興國縣桐林逕分界又與
雩都縣五湖潭分界北與永豐縣分嶺分界南與安福
鄉石人嶺交界自東小源村至西竹篙嶺八十里至西
桐林逕六十里至西五湖潭七十里自北分嶺至南石
人嶺八十里

一安福鄉週圍五十里東與廣昌五磔頭村分界西與仁
義鄉黃株塘交界又與懷德鄉湖背村交界南與仁義
鄉官路下村至城交界北與太平鄉花橋村交界自東

五礮頭至西湖背村七十里自北花橋村至城三十五里

一仁義鄉廣一百二十里袤六十里東與石城縣桐樹坪分界西與零都縣青塘嶺分界南與零都縣排雲隘分界又南與平陽鄉江口汛交界北至城與安福鄉七里湖底交界自東桐樹坪至西青塘嶺一百二十里自北七里湖底村至南排雲隘四十里至南江口汛六十里一平陽鄉廣九十里袤八十里東與瑞金縣大柏地分界西與興國縣羅屋底分界南與瑞金縣白頭翁分界又

寧都縣志

卷一 鄉界

十

與瑞金縣瑞林寨分界北與仁義鄉白沙村交界自東大柏地至西羅屋底九十里自北白沙村至南白頭翁二十里又至南瑞林寨八十里

四關圖分

東一圖

司背街至東社壇

界連南二畝

二圖豐樂門外

堯封巷至豐樂市

界連西一畝又連歸仁里

三圖豐樂門外

油槽巷至下劉屋巷

界連北二畝

四圖

石橋頭至河東塘角頭

界連石塘里

西一圖

萬壽宮至過龍巷印陀

界連東四畝

二圖 舖下至猪婆石下

三圖 秋成門外 弔橋至打魚巷 界連北一畝

四圖 登豐門外 弔橋至寺背橋 界連萬斛里

南一圖 下高街至獅子石下 界連西二畝

二圖 文明門外 文明街至小東門外觀音閣 界連仁里

北一圖 鎮安門外 弔橋至長庚門

二圖 直街至馬王廟 界連東三畝

三圖 集仙觀至廖屋巷

四圖 直街至劉城塘邑厲壇 界連萬斛里

寧都縣志 卷一 輿地閩畧

六鄉都圖

清泰鄉

一都一圖 帶源 界連宜黃

一都二圖 烏溪 跳嶺 界連南豐

一都三圖 橫石 北坑 坳頭 犬哈 栢樹下

謝塘 界上 界連宜黃

二都一圖 蕭田 有墟 黃泥埤 益源

二都二圖 朗霽 界連樂安 朗源

三都一圖 丁源 管源 焦逕 羅源 吳村

三都二圖 益磜 李家山 界連 樂安

四都 漳灌 界連 樂安 芒冬坑 上坪 黃砂

罕源

五都一圖 賴坑 橋背嶺 白壳前 九柑 靈溪

五都二圖 永樂 管屋

五都三圖 水口

五都四圖 留君前 枣樹坵

五都五圖 東潮 墟有

五都六圖 張天塘 河陂

寧都縣志 卷一 輿地鄉都

六都一圖 田營

六都二圖 折布

六都三圖 南團

七都 淋池

八都一圖 高田 墟有 裘田 塘坊

九都一圖 圓布 香源 羅村 拱前 界連 南豐

九都二圖 洛口 墟有

泰平鄉

十都 謝坊 墟有 嚴坊 厚田 姜坊

十一都 建洛源界連廣昌 陽村

十二都 寨裡 冷田 合江口 羅屋 小富腦

十三都一圖 大佈墟有 柞樹坊 前門 窩裡

十三都二圖 大佈 塘邊

十四都 古夏

十五都一圖 平田墟有 獲源

十五都二圖 溪邊

十五都三圖 東山埧墟有 陳坊

十六七都一圖 池富 王田營 招江 胡嶺嘴界連廣昌

寧都縣志 卷一 輿地鄉都 十三

十六七都二圖 曾坊 新田 沙墩

十八都 斫柴崗 石上墟有 鯉鰲 漳源湖

甘湖 洋溪口 上李屋 下李村

十九都 陳團埧 江背 游家坊

二十都一圖 小源墟有 黃澤

二十都二圖 小源 村背 大車 中布

懷德鄉

二十一都一圖 南雲

二十二都一圖 南雲 麻田 青陰

二十二都一圖 釣峯 有墟

二十二都三圖 釣峰

二十三都一圖 小佈 有墟 根竹坑

二十三都二圖 陟下 富江坪 界連永豐竹篙嶺

二十四都二圖 小佈

二十五都一圖 山塘

二十五都二圖 南坑 下淮 古窖 界連永豐

二十五都三圖 山塘

二十五都四圖 山塘

興地鄉都 卷一 十四

二十五都五圖 塘背

二十五都八圖 暘霽 界連永豐

二十六都一圖 王家畚 胡坊 蔡江 界連興國

二十六都二圖 都湖

二十七都一圖 黃陂下埧

一十七都二圖 黃陂中埧 有墟

二十八都一圖 王爾

二十八都三圖 王爾

二十八都五圖 王爾 黃佈頭

二十九都一圖 湖背 高田上

二十九都二圖 琚源 陳坊 西陂

二十九都三圖 坪溪 下灣

二十九都四圖 坪溪 廟子前

安福鄉

三十都 安福墟有 社園下 上黃陳公仙 蓮湖 羅陂墟有

石塘里 武朝 石壠 陂頭 賴社 蓮塘下

小湖 文坊 車田壩

三十二都 七里 田西壩 城頭 劉坊腦

寧都縣志

卷一

輿地鄉都

十五

欽仁里 港田墟有 李家坊 坳下 雪竹

桃枝里 桃枝 檀村 腰田 同口 源底 會高壩

仁義鄉

萬斛里 蓮花山界連 黃干 竹坑 碧岬零都

虎溪下 下廖 背村 劉屋下 李伏底

巫家坪 大坪裡 青草湖

歸仁里 螺石仙 高屋上 塔下寺 杉坵

浮藍渡 下螺 水東 瓦子崗 澗溪壩

長嶺腦 上湖田 下湖田

松上里 赤坎 佈頭 九塘 大富 竹筴嶸

中院 鷺婆磔界連 磔上 上側排

下側排 天資地

松中里 釣洲 渡頭 菓子菌

松下里一圖 璜坊 樟布

松下里二圖 田頭墟有 新坊 南布 車頭

野鵝湖

雲石團 賴坊墟有 通天 法沙

常安里 鳳凰 古溪 鉄樹坳

寧都縣志 卷一 輿地鄉都 十六

蜀田團 蜀田村

仁義里 固厚墟有 冠夏 大塘下 三刀石 白金

上團一圖 東龍界連 南坑 馬頭墟有 黃沙

新墟村墟有

上團二圖 蕭家坳 東龍

中團三圖 中門 上磔

中團二圖 田埠墟有 烏村 蔣溪

盛團原下團里 植原 羊坑 新墟 金坑

平陽鄉

感惠里 固村墟有 陽家車

五十三都 邱田 王坊

五十四都 廻龍 黃光埧 下河 湖魯坊 贊口

五十六都 黃村 黃石灌墟有 高坑 磔頭

五十七都 大雅墟墟有 石尾舖 石池頭 大洲塘

田坑 石獅 溪口界連瑞金 白鹿江

白沙 石龍 逕頭村

五十八都 長勝墟有 窰下 大坪底

六十都 山頭黃 水從 山灌 甌底 蛇頭嘴

寧都縣志 卷一 輿地鄉都

六十一都 葛藤墟有 李逕 上焦 磔頭尾界連瑞金

均豐里 均田 戴坊 下戴坊 早禾田

新安里 新安 水南

山川

巽峰縣東二里山勢巖嶮界梅江而止萃然特峙如翠屏
又名翠屏峰峰之支曰佛祖嶺嘗有佛子卓錫于此故
名折而北至河東俗呼塘角頭有古松數十株狀如亂
龍邑人邱維屏世居焉

長春谷巽峯嶺下邑人胡埜隱居讀書處

石華仙縣東四里屹然奇特松盤山頂如石之華上有仙子廬明劉用有詩

雲蓋山縣東八里山勢展聳雖天日清朗雲氣盤結如蓋明僧真清建佛殿於上邑人盧達有記

武頭山縣東四十里與蓮花山對峙為縣之應龍高十餘里連亘若重樓複閣出霄漢間南康記南宋時有至其巔者見池廣可百丈水色如丹其涯有砂顆光麗如珠再往竟失其所山之支曰珠湖三峯

仙橋山縣東六十里席碧清飛昇處

符宇俊全僧清香建有佛殿

寧都縣志

卷一 山川

十八

蜜石巖縣東北百二十里峰巒奇特常有蜂釀其上故名延春谷縣南一里邑人孫立節父子讀書處

螺石山縣南十里狀堆旋如螺聳峙梅江上有巖曰寶獅有泉曰靈泉明邑令陳大綸謂茲山為南鎮即巔崇土成峯萬曆間建有佛殿樓閣

雲石縣東南二十里狀如陣雲與螺石對峙岩谷幽勝竹木交蔭山巔廣百餘丈有巨湖宋大明中有人躡其上見蛟犀出沒今為砦居

鰲峰縣南五十里一名魚尾石瞰江潭深不可測邑人孫

文瑚書溪光潭影于削壁上

圭峯縣南五十里右臨梅水左瞰琴江兩石前垂如乳董文僖所居璜溪故廬相望因號圭峯

石獅峯縣南六十里吞吐長江上下石峰名馬腦名環石一名鷓鴣翼蓋起不一為邑下流砥障

團箕山縣南九十里界連瑞金石城綿亘八十里崇山峻嶺茂林密箐嘗為伏莽之區山多產茶油邑取給焉

虎化石縣西五里其形如虎舊傳虎化為石避唐諱更名虔化下有陂名虎溪越溪為水莊魏叔子讀書處又數

寧都縣志

卷一 山川

十九

武為六松草堂曾止山課耕于此

磊山縣西八里俗呼山子峯遠望與衆山若俛抵麓乃益阻峻環山桃梅松竹蒼翠極山居之勝

箕箒谷縣西七里與金精山對峙群峰獻竒修竹數十畝翠篠蒙密中有飛來峰左有獅子峰右曰釣臺有泉一泓曰瓢泉泉澗有顏樂亭宋邑人曾興宗歸自考亭建精舍于此扁曰歲寒結廬其右曰水竹幽居以處四方學者邑人董越有詩

蒼山縣西七里聳拔蒼翠巔有飛瀑西則兩崖夾峙天光

一隙與宗孫原一隱此建萬象亭戴石屏訪之有詩見
後藝文志

雲臺山又呼菓盒山縣西八里懸峰特起長松交蔽中逗
一徑周圍石欄上有玉皇閣清虛觀明季周道入煉丹
於此

官人山縣西十里昔有仕人避寇于此故名盤踞十餘里
四面壁立南厓腰裂橫通一線天攀躋而上則夷然平
曠中有岩如抱曰蒙岩岩有泉如曳線曰蒙泉左一岩
人呼輒應曰虛岩右一泉積潄不涸曰裒泉二峰幽闕

寧都縣志

卷一

輿地山川

廿

不露曰潛峰山之麓有泉有湖曲折成澗兩山夾峙可
一里許人謂之小桃源邑令陳大綸有記

東陽山縣西八里與金精山相近腰有小岩藏木鐘金精
木鶴鳴則木鐘應之有泉曰仙液邑人裹愉結廬奉母
隱此今呼太陽山

奎精山縣西十里丹厓翠壁望之如陣雲竒怪萬狀道家
列為第三十五福地舊傳漢里人張芒女麗英飛昇于
此麗英稱金星之精故名初入兩厓壁立中通一徑名
一線天左折下臨洞口洞如覆甕層殿複閣無陶瓦雨

不能侵倚欄望瀑布濺沫飛騰驟雨則澎湃如雷其峯
十二曰蓮花合掌仙栴凌雲黃竹披髮望仙三巘伏虎
翠微瑞玉石鼓岩六曰海螺道人精月辟穀老君玄岩
洞一曰碧虛觀一曰陽靈亭一曰凌雲池一曰仙浴巔
有靈泉飛注石臺紆流曲渠可以汎觴明同知朱敏有記
金牛山在金精口如牛之昂首中置梵刹鑿石架欄楯而
上號別一世界今廢

翠微山在金精山前色如丹霞故又呼赤面岩高百餘丈
壁立如長劔倚空中通一線鑿磴而上橫列石板暗開
寧都縣志

卷一 輿地山川

廿一

甕口僅容一人真天險也魏徵君兆鳳構亭館率其子
隱此上有易堂諸子講學處

三巘山在金牛山後俯瞰金精形勢聳踞盤轉如龍邑人
李騰蛟彭任彭大魯燦隱此彭士望有金精聯云石嶂
古曾開仙府樓臺蒼壁上雨簾晴不捲人家雞犬白雲
中蓋指三巘也山成員峰三故稱三巘云

黃竹山在金精上員如覆釜即石鼓峯也邑人魏季子購
築貴池吳正名僑寓于此其最高頂為瑪瑙峯赤如丹
形如鏡懸架上

赤竹山縣西十里屏施障展連亘數里蒼翠盈矚山頂有
泉清冽雖旱不竭

冠石縣西十里形如冠俗呼紗帽岩寓賢林時益彭士望
結廬其中環山麓種茶右為紫雲峰最高爽茶味尤美
四方爭重價購之名曰林畚左有東岩過植桃李春月
摘茶時如入桃源又左為盤石任氏居之邑人楊龍泉
詩荒徑斜穿深谷裡蓬門長閉亂山中蓋指此
騎龍岑縣西十里絕壁千尋鑿石磴懸梯而登結屋數家
下即青陽洞洞底鐘鼓響徹山頂

寧都縣志

卷一 輿地山川

廿一

青陽洞竒峰峭石修竹茂林循洞口入深潭澄光如鑑邑
人曾益之居此岩下建有佛殿又左折為方竹岩山多
生方竹故名

丫髻峰縣西十里形家指為天孤山

蓮花山縣西三十里為縣之祖龍高十餘里峯巒層疊蜿
蜒如菡萏寺構花瓣內巔有三峯中有仙浴湖佛座下
有龍湫鎮以巨鐘龍常激水以滌宮掘地二尺餘即湧
出每祈雨取水禱輒應山雲竒特四野盡晦蓮花三峰
無雲雨不得降赤日如炬雲氣漸于芙蓉之頂則滂沱

立致邑人董越有詩

白茅峰蓮花山左峯多生白茅下有龜湖龍湫蛟窟四時常吐雲氣

出風洞蓮花山下洞深莫測立洞口風徐徐出不絕也
有石獅龍潭大石人坐其側樂而忘歸

出水巖蓮花山下東北十一里上透龍潭石罅如甕口山之溪澗雨澤不絕壑皆於甕口出清冷異常鑿創得此水泮之錄方制

大平巖蓮花山下數千村空洞曲折黑暗不可行中有石室都羅志

卷一 輿地山川

廿三

一 椅石桌精巧如鑿成堂戶天然泉流湧激蛟龍潛藏好事者每結伴持炬以入

飛泉巖縣西北十五里邑人窟達所名也四面泉霏霏自一山巔落中建佛殿日光照入如水簾邑人楊文彩有記
集賢巖縣西北二十里因岩架佛宇深廣數丈無椽瓦風雨不入山門瀑布卷舒無定程山甘京謂勝于麻姑瀑布云

伏虎巖在集賢岩後曲徑茂林佛像鐘鼓隱隱自林間出僧無可嘗嘯咏于此

桃林山縣西北二十五里環山皆桃雜以嘉卉梵刹有佛
牙出舍利光其下泉流縈紆左一泓曰過夏泉暑退則
涸右有龍湫深窅莫測能作雲雨

東華山縣西北二十里山勢崔巍飛瀑瀆薄邑人曾原一
有詩

甘泉巖縣西北二十里泉瀑自巔下注有梵刹相傳有一
小竇幻米給諸僧僧求盈無厭更鑿之遂幻糠粃三日
而止又左折為隆興岩中廣方丈刻有石枰遊客每奕
其間

寧都縣志

卷一

輿地山川

廿四

陽掛山縣西北二十里平行紆徐布列廬舍其頂曰天紫
嵒下遶梔溪山趾皆田園村落每日光返照掩映如畫
因名陽掛邑人邱維屏登天紫嵒有詩

南岡山與陽掛山脉絡連貫而各為一岩池泉不竭樹木
陰翳宛然邨落

小山與南岡連脉蒼松怪石一望無際彭氏闢為岩亭館
甲衆山又呼是个山

君子峰縣北二十里形如卓筆邑人衷愉結廬讀書其上
濛山巖縣北二十五里雲氣濛濛懸崖飛瀑有岩廣丈餘

中有石牀石牖石梯不假斧鑿旁虛一岩有屋數間無
穿架不傾圯相傳仙匠造東晉時里人賴箕廬此宋魯
原邨有記明董越崔栢有詩

佛若縣北三十里高數十丈堆翠擁螺如佛之頂又名龜
峯山山下為龜嶺形勢拱固邑人有世居之者

牛背騎山與佛若對峙鳥道盤辟二里許松篁鬱茂邱氏
築別業于此

雲龍山近佛若青嶂綠波中隱佛舍其韋馱神祈夢多顯
應

寧都縣志

卷一 輿地山川

廿五

響石仙縣北四十里過客有聲輒應上有仙祠

綿山縣北六十里山勢峭拔支衍諸山綿亘不絕

中華山縣北八十里聳拔尖秀遠望如卓筆建有三僊殿
古夏李姓世祀

廬穆巖縣北百二十里崛起千仞山腰石戶如甕廣袤几
十丈左鑿一竇持炬入見一室深廣半之巔有泉甚清
冽廬穆廬華羽化于此其跡具存

凌雲山縣北百三十里高勢插天蟬連大名山橫亘數里
其巔夷曠望臨川廬陵諸峰歷歷在目左右石峰峭峙

下有碧寢涓滴有聲曰衙鼓洞洞中有蟄龍觸之者風
雨立至相傳山上有漢高帝祖墳故山麓建漢高帝廟
董越有詩

梅嶺縣東北九十里界連廣昌竹橋環山有梅故名漢元
鼎五年王溫舒征東粵諸校屯兵於此望梅輒消渴見
史記

印山八 一縣治東百武平原崛起方峯今博濟廟址
一縣東南迎旭門外低街濠畔 一縣南文明門內崛
起方峯視諸印特高今熙熙臺 一縣南文明門外延

寧都縣志

卷一

輿地山川

其

春谷前百武 一縣南文明門外寶居觀前 一縣西
南登豐門外鑄爐巷濠畔 一縣西秋成門外左濠畔
一縣北鎮安門外真君廟後朱家巷南畔

梅江縣東北太平鄉九十里源發梅嶺山下經麻源丁坊
爭田嶺及黃土嶺諸水西至三灣橋出梅口會洛口東
西江水達于縣故縣名梅川

上東江縣北清泰鄉一百七十里源發東陂隘眺嶺烏溪
帶源胡源好溪會黃泥埤諸水至洛口

上西江縣北清泰鄉一百二十里源發凌雲山向北一支

由石坪會石人塘旂嶺諸水遠至琳池村右向南一支源發漢高帝祖墳後故名漢水流衙鼓洞至土庄會石零株鹿二源及佈源諸水南至于南漢東至于琳池會北源及江下水注洛口與上東江合流至合江口會下西江南流吳口渡合鰲溪水達于縣

下西江縣西北懷德鄉一百二十里源發小佈村經釣峯小源大佈至合江口會北上東西江南流吳口渡合鰲溪水達于縣

鰲溪縣東北三十里其溪秀嶺至吳口渡合北江諸水達于縣

寧都縣志

卷一 輿地山川

廿七

桃溪縣西北二十五里源自桃林山至安福渡會石人嶺水至蓮湖達于縣

小溪縣東北二里溪自雀磔龍湫逕桐江會南當檀口諸水逕文坊車田埧達于縣

龍變溪縣西北一里源自蓮花山白茅峰下出水洞逕響石會小桃源水達于縣

三江合北江小溪桃源名三江諺云三江水合狀元回明成化戊子三江水合己丑邑人董越應之

白沙江縣東南二十里源自武頭峯麓東南流逕上團逾石城豐義至中團歷通天法沙松湖入梅川

璜溪縣南四十里流自梅川舊傳溪水或有聲珊珊如擊

玉璜當出名賢明成化己丑溪水作璜殺三日董越果探花及第其子廷尉天錫因以為號

白鹿江縣南五十里其江自石城意口逕童坊會團箕水至油槽嶺會蜀田團水至黃石觀會瑞金大栢地水至黃村入梅川

淳水湖三 一縣西城隅馬道畔湖右有一印陀為居民

寧都縣志

卷一 輿地山川

廖景威侵占隱沒明隆慶間巡憲董公世彥按縣修治

官陂水利清查前湖復濬淳水印陀築董公碑亭于上

近民嚴愛義捐湖畔已地及池一口以拓其址陂水經

流之處詳見水利碑文

按此湖今在民居屋內碑亭久廢亟待清查

一縣

治東南馬屋巷 一縣東迎旭門內

平水湖縣治西靈山寺小學前南百武今失故址

潮湖縣東迎旭門外一日三潮其砂如硃今民居填塞

筆硯湖二 一縣西三里劉屋下舊云筆硯湖水清寧都

狀元興 一縣西一望蔚背嶺又云獻花塘

浴仙湖蓮花山頂舊傳仙女張麗英浴于此

琚源湖懷德鄉二十九都琚源山溪有龍湖七處兩涯夾峙旁開一石罅內幽廣人從水中乃達龍出入往來彷彿見影遇旱取湖水禱之沛然雨降

靈泉金精山左畔兩岩合峙瀑布自巔飛注石臺曲折成渠泉極清冽騷人墨客遇盛暑每環坐石上流觴為樂白石泉縣西北三十里安福村泉自石罅溢出如縷寒冽甘美可滌煩暑

溫泉二 一縣東北三十里李村泉自石罅出探如沸蒸

寧都縣志

卷一 輿地山川

廿九

烝如騰霧臭如發礮 一縣北百里福源村

愛蓮池三區 一縣署思莊樓下 一清軍廳後 一督

糧廳後有關縣治風水宜常疏濬

彭家池鎮安門西北官陂水利城外經流之處

劉家池鎮安門外西北官陂水利穿濠入城之處

放生池縣東梅江上瞰江構亭曰嘉惠後改仁澤宋時厲禁漁捕元禁弛今廢

雙魚洲縣南二里浮障江中若遊魚舊建有一閣與水口塔對峙為邑城最近關鎖後閣燬乾隆六年邑人邱時

昱闕基築堤砌石臺復建高閣造魚魚寺置田百畝招僧永護約捐三千金周密堅完甚盛與也邑族鄭昌齡有記見藝文釣洲縣南二十里灣環曲折如鈎地隔數百武舟行半日始盡為梅川關鎖

各鄉山川僊蹟再附

金山一都橫石 平安砦 全安砦 芙蓉嶂 鳳凰石俱二都蕭

田東華峰 雪竹嶺俱界九都 瑤峯 三僊 蟾峯俱十都謝

坊 蜜石東西砦 鑼鼓峯 楊村埧十一都 明華山

白石僊 新華山俱十都 中華僊殿 敦仁砦俱十四都古夏

寧都縣志 卷一 輿地山川 三十

獅子石 陀石巖 獅子峰俱二十一都南雲 韶山 馬鞍山

炭嶺 穿珠石 釣水俱二十二都龍門村 僊山二十四都小佈 峰

嶺僊二十都 武華山 爭嶺俱二十都 石華僊龍井二十都

下 楊石砦中團里 玄壺山中團里 婆婆砦僊井中團

里圭 塘背 峩嶺僊中團 東華山五十七都 眉石砦璜溪

形勝

寧都僻縣然山峻而厲水激而清蓮花孕脉于西方武頭綿亘為東鎮仙峯如帳巽嶺若簾金精翠微天弧天角螺石雲蓋華表捍門三江合趨有朝宗之象釣洲盤結得鎖

於之形實其壯哉亦曰樂土第山溪谷阻萑苻有竊發之虞遠廣連閩流寓多佔踞之害固已得乎形勝實有待於撫綏

風俗

民善治生有勤儉風士知務學無浮靡習謂男不務耕女鮮業織而奢麗暴費惟富室有焉出老志

舊志盧逵論曰余志風俗而即所聞觀感悼深矣里父老徃徃道先朝時吾邑風俗類近古云民間服食器用率朴陋無華富者操家兢兢寡人惟安分急本業士尚

寧都縣志

卷一 輿地形勝風俗

三一

氣節重廉恥有既薦鄉書猶然布袍謁春官者其龐雅之風可想也舊云挾氣喜爭豈風氣所稟受使然顧有司走一紙則凜凜罔知所裁其或謂難治誤矣邇來日漸侈靡筵宴費濫奇饌異錦爭欲致之四方祠廟繁興每歲時群觴戲其間觀逐婦遊閨榭時作賭博為攘竊之原今風熾原開其流可懼婚姻至較訂貲財而古六禮遠邈矣夫墨子言染以變也孔子言風以感也前令若林公禁溺女而生全王公戒屠牛而竊息孰謂人心不可遽挽乎今治民者有如倡之自與使之式示之以

禮使之節其於非道者戒諭之脫弗遵且痛創之即未
盡復古當必黜浮歸質少變頽風雖然士人舉動闡闡
藉爲口實標表之責吾黨亦各所當任焉

附論曰善夫盧太常之志寧俗也沿歷百餘載情事依
稀若昔所云則誠寧俗也邇來喪具稍減緝節衣冠弗
競鮮華其人心之返淳樸歟抑生計日蹙不得已而然
歟夫以無資而崇儉德罔蹈轍于虛糜亦恒心漸復之
一機迎其機而倡率勸勉以相期古處使俗尚敦龐人
知節約挽狂瀾于旣倒是在有心者之力爲匡扶也已

